

اسلام نمبر ۱

مُعاری : « دینی برقیات ، حیاتی پردیہ » در.

۱۱ صائی — ۸ شعبان ۱۳۳۲ میل — ۱۹ حزیران ۱۳۳۰
مدیری : حلیم ثابت

تصدق کیفیت احکام دینیہ کورہ و جالب ممنونیت بر مقیاسدہ ترتیب و تنظیم
ایدلشد.

مسلمانان دینداشلرینک جازمہ من اسمنده کثرتله اثبات وجود ایدرلر. اهالی
اسلامیہ طرقدن تکلم اولانلر، اردو، کجرات و فرانسیزجه نك مستعمره لسانلریدر؛
اردو لسانی هر کس اکلار. بوهرا، مهیمان، سورتی و قوڑا ل کجرات لسانی
وهندیلر اردو لسانی سویلرلر.

همان بوتون مسلمانان فرانسیزجه نك مستعمره لسانی تکلم و تفهم ایدرلر.
عربیجه بیلن هیچ یوقدر؛ مکاتب ابتدائیہ و تالیه ده و قولله ژرو وایالده
تدریس ایدیلن انکایر و فرانسیز لسانلرینی بیلن مسلمانان کثرتله تصادف ایدیلر
همان هر مسلمان قرآن عظیم الشانه، حدیث و سائر دینی کتابلره مالکیتی جمله
وظائفدن عد ایلر.

ایکی یاخود اوج دانه حافظ قرآن واردر.

صیام رمضانہ فوق العاده اعتنا ایدیلر و بوآی طرقدہ اقساملری پورلونی
جامعده مزدحم برجاعت اثبات وجود ایدر.

مہرل فردی

یتیمہ دی

استانبول :

باب مشیخت . تصحیح . انتظام . — مجموعہ مزاک دوقوزنجی صایسنده اسکیشہرده
جریان ایدن بر مسئله موضوع بحث ایدیلدی ایدی . بو ائشاده استطراذ قیلندن
اولمرق مذکور شہر نائیک عزلی مقننہ کی سبیک ده مقننہ مسئلہ سی اولدینی کوستریلدی
ایدی . فقط بوتک بویله اولادینی صوکرادن آکلاشیلدی . اصل مسئله یازیلدینی وجہله
جریان ایش اولتاه برابر اولنجه اعمیتسز اولان عزلی کیفیت ، باب مشیختجه دیگر
معتول برسیدیه ربط ایدیلش ایش بوای . . . فقط اونرم اصل نظر دقتلری جلب
ایتمک ایستہ دیکمن مقننہ مسئلہ سی یتیمہ باقی در: اوت ، وقتیه ویریلش اولان برفتوی

تکرار احیا ایدیلش ایسہ ذہ ، یونک ینہ مبہم ، ینہ عبادک محالحنی تأمینہ کافی اولادینی میدانده در . آنکچون بوجہتک عرف و شریعتہ موافق بر صورتده حکنہ انتظانار ایتک البتہ حقن اولہ کرک .

مصر :

سابقہ رئیس نظامہ ایتالیا — مصر غرتہ لرندہ او قوندیغنه نظراً مصرک سابق رئیس نظاری محمد سعید پاشا ناکہانی بر صورتده چوجقلریلہ برابر اوروپایہ کیتشد . ظن ایدلہ یکنہ کورہ ایتالیا حکومتی ، مشار الہی طرابلس غربہ کی مجاہدلی قاندریق و آنلری ایتالیاہ قارشو مجاہداتدن واز کچیرمک اوزرہ خفی برتوسطہ سوق ایتشد . مطبوعات مصریہ نک بعضی پاشانک بوماء ورتی قبولندن طولایی سرزنشده بولنوب ، حینزلکک اتہام ایدیورلر .

استرالیا :

مصر تاجرلریلہ استرالیا — استرالیاہ برای تجارت کیدن مصر تاجرلرینک اورادہ برستہ دن زیادہ اقامت ایتما لریچون استرالیا ایلہ انکلتزہ حکومتی بینندہ مخبرات باشلامشد . استرالیاہ کیدن مصر تجاری ات تجارتیہ اشتغال ایدیورلرمش .

طرابلس غرب :

ایتالیانلرک یکی تہناتی — حرب ایلہ مجاہدلرہ قارشو کلکدن عاجز قالان ایتالیانلر ، تکرار اسکی اصولرینہ مراجعتہ مجاہدلرہ خطاباً همان ہر کون یکی بیاننامہ لر کوندرمکدہ درلر . مذکور بیاننامہ لرہ وضع امضا ایدن ایتالیانک (اجدابہ) دہ کی مأموری میرآلای مارتین مجاہدلرہ تسلیح و مواعظہ بولنمش و آنلری مقاومتدن واز کچمکہ تشویق ایتشد . بردہ کندیلرینہ کلیتی عکافات نقدیہ و اقتصادی وعدہ ایتشد . مجاہدلر ایہ مذکور بیاننامہ لری بیرتوب ایدیاً ایتالیانلرہ قارشو مقاومت ایدہ جکلرینہ دائر اتفاق و قسم ایتلدر .

مراکش :

فرانسزلرہ قایلیر — فرانک قوای عکریہ سیلہ فاس قبائلی بینندہ الان مصادمات دوام ایتکدہ در . فرانسزلر طاغلرہ طوغری قبائلی تعقیب ایدیورہ (تول) و (تزہ) طاغلرندہ کی قبائل عربان فرانسز عسکرلرینی طاغتمغہ موفق اولوب کندیلرندن

برجوق اموال واسلحه اغتنام ایشلردر . قبائل مذکورہ جنرال (کورود) نك قوای
عسکرہ سنی تحت محاصرہ آیشلردر . فرانسزلرك مغلوبیتی مکتوم طوتیلنددر .

مراکے امیری زکول — مراکش امیری مسکراتك مملکتہ ادخالنی شدیداً
منع ایشدر . مشروبات کثولیه نك صرف اجزاخانہ لودہ ساتیلوب ویاکتر علاج
ایچون استعمالنی استثنای ایشدر . مذکور امرہ مخالفت ایدلردہ ۳۰۰ دن ۳۰۰۰
قرائقہ قدر برجقای نقدی آله جق و تکررندہ اوج آیدن اوج سستہ قدر حبس
ایدیلہ جکری کبی ، مسکراتی ساتان دکانلردہ آلتی آی قیاتدیریلہ جقدر .

ایران :

روسلرله ایرانه امور مالیہ سی — تبریزہ یکی تعیین اولسان روس جنرال
فونسوسی موسیو اورلوف (بوآدم اولجہ بغداددہ عین وظیفہ ایله موظف ایدی ،
خطہ عراقیہ ده چویردیکی انتریقہ لره اورادہ کی ایران احراری علیہندہ اوینادیتی رولر
هرکک معلومیدر . اخیراً استعفا ایش و نوویہ ورمیا غرتہ سنك در سعادتده کی مخابرلکنی
قبول ایشدی] آذربایجانده کی اہالینك ویرکولرینی بائذات طوپلامغہ باشلامش و ایران
مالیہ مشاورلکی وظیفہ سنی ایفا ایدن بلجیقالی مأمورلره ده ایشنی اویلدورمش اونیغندن ،
طهرانده کی وعد غرتہ سنك تقیدات محقہ سنہ دوچار اولمشدر . ایستہ روسلر بویله آچقندن
آچیغہ ایراتك حقوق صریحہ سنہ تجاوز ایدیورلر کہ ، ایراتك استقلالیلہ عزت نفسنی
ایاقلر آلتہ آلتدہ درلر .

کلرر قبیله سنك المطاعنی — اولجہ کرمانشاعده سالارالدوله ایله برابر چاپوخلیقده
وحرکات عصیانیه ده بولنان ایراتك کلرر قبیله سی ، بوکونلردہ حکومت محلیہ یه عرض
اطاعت واتیاد ایتك مجبوریتندہ بولمشلردر .

ایرانده آلمانہ مکتبی — برقاج سنہ دن اول طهرانده آلمانلر طرفندن تأسس
ایدن ابتدائی واعدادی مکتبلرینہ دوام ایدن ایرانلی طلبہ نك صوک درجہ استنادہ ایتکده
اولدقلری نظر دقتہ آلدیغندن ، مذکور مکتبدن نشأت ایدلرك بلا امتحان آنان
مکاتب عالیہ سنہ قید و قبوللری تقرر ایش و ایران حکومتجه آلمانیاہ اکان تحصیل
ایچون کیدن طلبہ یه آز چوق معاونت ایدلسی متصور بولمشدر .

سالارالدوله سمدج تبارك ایدیور — آلمانیاہ بولنان سالارالدوله - روس
غرتہ لرینك بیاناتہ کورہ - سلاح تدارکینہ مشغول بولنقدہ ایش . تدارکاتی اکان

ایتدکن صوکرہ اسوچرہ لی برقچ خابنی ده معینہ آلوب تکرار ایرانہ کلمک و حکومت
حاضرہ علیہندہ یکیدن اغتشاش چتارمتی فکرندہ بولنیورمش .

دائی کتاب و مازرای ایرانہ شمند و نری . — ایران احوال سیاسیہ و اقتصادیہ سندن
باحث اولان یکی برمائی کتاب انکارہ حکومتی طرفندن موقع انتشارہ چتارایش و انکارہ
پارلامنتوسیاہ عوام قلمارہ سی اعضائری زیادہ بلہ مشغول ایشدر . مذکور کتابک
مندرجاتندن اکلاشیایدیغہ کورہ مازرای ایران خطک تمدیدی حقتدہ روسلرہ انکلیزلر
آرہ سندن ترددی موجب اولان مسائل حل ایدلش و مذکور خطک ایران کورقزی ساحلندہ
بولشان (بندر عباس) لیسانہ قدر تمدیدی تقرر ایش اوئی کیفیتی انکلیز هیئت
تشریعیہ سنک حار مناقشاتہ سبیت ویرمشدر . انکلیز قاپینہ سی و سیرا ذوار غری دن
ماعدہ بالجامہ انکلیز رجالی مذکور خطک تمدیدی علیہندہ بولنیورلر . چونکہ بو خطک
تمدیدیہ هندستانہ یاقلاشمی ، هندستانک آتیا اوروپائی بردولانک استیلا و تهدیدیہ
معروض قالمہ جغنی تخمین ایلکدہ درلر .

بستگورہ ما کلمک مشاطلی — عثمانلی — ایران حدودندہ بولشان پشتکورہ حاکمک
مظام و تعدیاتندن اوصاخ کترین اہالی علیہ ایرانک کاشان ولایتہ مهاجرت ایتکہ
باشلاملردر . بولنرک اسکانی ایچون ایران حکومتجہ بعض تدابیر عاجاہ اتخاذ ایدلشدہ .

ایرانہ زامدارہ میلر بلوچلر — بلوچستان ایران قباٹنک بعضیدی حرکات
باغیانہ یہ توسل ایتدکلری جہتہ ، اثری دائرہ اطاعتہ جب ایتک ایچون ژاندارمہ قوی
سوق اولمشدر . ایکی قوتک تلاقیسندہ مصادعات باشلامش و بلوچلردن سکن کشی اتلاف
و برقچ کشی توقیف ایدلدیکی کبی ، کلبیلی اسلحہ و ذخائر یوکلری ده مصادرہ اولمشدر .

محمدرہ ما کلمک سیاسی — ایران مجرہ حاکمی سردار ارفع شیخ خزعل خان
حشرتلری یاقیندہ براوروپا سیاحتی ایتک تصورندہ در . ایران حکومتی طرفندن مشارالیک
رفاقتندہ بولنقی اوزرہ (امیر مجاهد) تعیین ایدلشدہ . احتمالکہ بو ذات درسعاتہدہ
اوغرایہ جندہ . شیخ مشارالیک طرابلس و حرب اخیر اٹناسندہ کی معاونت مادیہ سیاہ
دونما جمعیتہ وقوع بولان اعانائی سزاوار تقدیر و بحیل کورولدیکی جیتلہ شو صوک زمانلردہ
دولت علیہ طرفندن کندینہ برنجی مجیدی نکانی اعدا ایدلشیدی .

لومرہ درہ کی ایرانہ قومیتہ سی — لومرہ درہ مشکلی و اعضائری انکلیزلرہ
ایرانلردن مرکب اولان ایران قومیتہ سی شو صوک کورلردہ انکارہ عوام قلمارہ سی

برخطاره تقديم ايدەرك ، ايران شاهنك ياقينده وقوع بوله جق تاجكذارلق مراسمنه
حرمة روسيه حكومتك ايرانده بولونديرمقده اولدينى قواي عكره سنك كرى به
آلديرلسى ايچون انكلتره حكومتى طرفندن تشبثات مقتضيه اجراسنى طلب ايتشردر ،
عين زمانده اولجه عقيم قالان مائراي ايران شمندوفرينك روسلر طرفندن انشاسنه دائر
سير ادوارد غرهيك موافقت ايتش اولديغى ده شدتله تنقيد وتقيج ايدوب ، انكلتره
رجائلك نظردقلىرى ده جلب ايدوب ، مذكور شمندوفرينك تمديدندن وروسيله بويانده
توحيد مساعى ايتكندن انكلترهك صرف نظر ايتسنى رجا واسترحام ايتشردر ،

طهرانده دارالهمزة تأسيسى — ايران حكومتجه طهرانده بر دارالهمزة تأسيسى
تقرر ايتشدر .

ايرانه انتخاباتى — ايران مجلس مليسى ايچون اعضا انتخاب ايتك ايچون ايرانده كى
موسويلرله ارميلرله حكومت طرفندن اخطارات لازمه تبليغ ايتشدر . تخمينه كوره
ارميلرك دوت ، موسويلرك يكي مجلسده اوچ مبعوثه مالك اوله جقردر .

آفريقا :

برليجق ايتك رهبرى — بلجيا حكومتك آفريقاده كى مستلكاتندن اولان (قونو)
ايلتده محكمه عكره رياستى وظيفه سياه موظف بولان موسيو (مارتين) نامنده بر
بايجقائى تصورك فوقنده بعض جنايات وفضايع اجرا ايتديكندن طولاني ، بلجيا حكومتى
طرفندن بروكلاه جانب ايديلوب اون ايكي سنه حبسه محكوم ايتشدر . تحقيقاته نظراً
بوخوانخوار حريف زواللى يرليردن اولان اركك ، قادين وچولوق چوجقردن اون
سكز كشى نى خيج برصورتده كندى اليه تلف ايتشدر . بروكل جنايت محكمه سى
رئيسى محكوميت قرارى قرائت ايتديكى زمان حضارك تويلرني ايرپرتة جك صورتده
بيانانده بولش وجاتى نى افعال شيعه سندن طولاني تلعين ايتكه كندى نى ضبطه مقيدر
اوله مامشدر !

بو حال بر ملماندن ظهور ايتسیدی کیم بیایه اوکا نه پاپازردی ؟ عین زمانده
اوروپا مطبوعاتی ده بالجه ملدانلری وحت ودهشتله ياك اينده جکلردی . فقط بو
جنايتك بر اوروپای طرفندن ارتكاب ايدلديكى جيتله يالكز اون ايكي سنه حبسه
اكتفا ايديلهرك اعدامنه بياه لزوم كوريله مش !

افغانستان :

دارالفنونه انشاسى — افغان اميرى حضرتلري افغانستان ايچون ايجاب ايدن

معلملرک یتشدریسی ایچون کاباده مکمل بردارالغنونک انشا وتأسیستی لازمکلرله امر ایتمشدن. بومکتب اوروا مؤسسهلرینک طرزنده آلات وادوات فیه ایله طلبه نره تدریسات اجراییچون منتظم بربروغرام ترتیب اولتمشدر .

هندستان :

نوقیقلر — انگلیز پولیس خفیهلری اخیراً هندستانک (کیدریور) شهرنده برقاچ کشی بی تحت توقیفه آلمشدر. تحقیقاته نظراً مذکور شهرده بولسان برهندو قومیتسی بانی ایرییهی احراق ایچون واسع بر پلان قورمشلرمش . بوبابده وثائق الله ایدلمشدر .

چین :

بوزاره شیقایک بریکتاتورلغی — چین رئیس جمهورى یووان شیقای شوموک زمانلرده تامیاه بریکتاتور وضعیتنی آلمشدر . مشار ایله قارشو مقاومت ایتک اوزره برچوقی مخالفلر میدانلر کلمشدر . چین مخالفلر سیاسی سنده رئیسک بووضعیتدن طولانی اندیشه علائمی کوزولمکه باشلامشدر .

کنج چینلرک رئیس جمهورى اولان یووان شیقایک اخیراً فرانسلره کندیلکندن برچوق امتیازلر بخش ایتمسندن طولانی افکار عمومیهی کندی علیه چویرمشدر . بناءً علیه چین رجائی مذکور امتیازاتک علیه بولسان بخش کیشی بی تحت توقیفه آلمشدر . چین احوالی کیتبکجه کسب وخامت ایتکده ویکیدن سونمکه باشلامش اولان اختلال علولمک استعدادنده بولمقده ایمش . چین اختلالجیلری (تش شاتو) قصبه سنی باغما ایدلرک اطرافه طاغیلشلردر . حکومت جمهوریه طرفندن اختلالجیلری تعقیب ایچون قوای کافی سوق ایدلش ایسه ده ، اختلالجیلرک چوقلغندن طولانی استیصاللرینه موفق اولمهمشدر . اختلالجیلر ایچنده بالخاصه مسلمانلر بویوک یازارقلر کوسترمکده درلر .